



竺摩长老



著作：法语录

十二 檳城妙香林地藏殿开光

阎浮示众有因緣，
 业海茫茫作愿船；
 地狱未空生未尽，
 铁围城外月如烟。

今日恭逢妙香林地藏宝殿落成，承住持宏船长老慈悲，邀为圣像开光，得预胜会，有大因緣。地藏菩萨位阶十地，分身遍於十方，化起三轮，济苦常在三道。距今一千年前，示迹新罗，生於王族；涉海大唐，愿作法医。九华显通，袈裟遍覆山峰，感闵公之献地；七级浮屠放光，灵骨永供於圣地。若行卓绝乎崖限，人天共仰；道名流布於环宇，如孺皆知。况慈悲具足，如法华之观音；愿行庄严，等华严之普贤。外现声闻身，晨朝游开！

化乎六道；内秘菩萨行，权实含摄於一真。为弥勒前驱，扩展道统，步迦文後尘，度脱刚强。我不入地狱谁入地狱，身教重於言教；己未曾成佛人先成佛，威神贯乎精神。今也去圣时遥，大法陵替，世面狰狞，人心伪诈，风云变幻，险难丛生！野干横行於浊土，肆虐为恶；修罗逞凶於旷，率兽食人。所幸妙香林中，重建宝殿，吉祥山麓，高树法幢，立大士之威信，悉沾法雨，护诸佛之慧命，大启经筵。其为用也，抑在斯乎？假凡相而见宝相，示依形修福；藉圣光而显心光，表契性证真。烦恼可除，欣众生之有幸，菩提能证，贺诸佛以同欢！然则百尺高堂，筑於杯土，千程远道，起自初蹄，要须把握现实，普摄群有。岂可放过今兹，广结诸缘？诸上座！斯意无穷，孰得拈出？彼偈若通，何妨拈来：

性天朗彻本无边，自有灵光如日悬；
 寄语同仁齐步伐，莫教菩萨著鞭先！